

**ՀԱՅԿԱԿԱՆ ՏՊԱԳՐՈՒԹՅՈՒՆԸ ՕՍՄԱՆՅԱՆ ԿԱՅՄՐՈՒԹՅՈՒՆՈՒՄ ԵՎ  
ՀԱՅԵՐՈՒ ՆՊԱՍՏՔ ԹՈՒՐԿԱԿԱՆ ՏՊԱԳՐԱԿԱՆ ԱՐՎԵՍՏԻՆ**

Թանգիմաթի բերած կարգ մը նորութիւններու և բարեկարգութիւններու շնորհիվ Օսմանյան կայսրութեան սահմաններուն մեջ ապրող ոչ իսլամ հայրենակիցներու որոշ շափով հավասար իրավունքներ տրվեցան: Հայերը կարողացան այս իրավունքները լավագոյնս օգտագործել: Անոնք զարկ տվին թե՛ իրենց մշակութային գործունեությանց և թե՛ մեծապէս սատարեցին երկրի մշակութային և տնտեսական վերելքին:

Ըստ պատմական տվյալներու, օսմանյան հպատակ հայերը թուրքերեն շատ ավելի առաջ Արևմուտքի հետ հարաբերութեան մեջ մտնելու հնարավորութիւնը ունեցեր էին:

Հայերու մոտ հասարակական և կրթական մտքի զարգացումը թանգիմաթի հռչակումեն առաջ որոշ մակարդակի հասած էր արդեն: Արդարև, անոնք ի մասնավորի հիմնած ըլլալով իրենց տպարանները, ուսումնարաններն ու կրթական ընկերութիւնները, հասցված ըլլալով մտավորական ընտրանի սերունդ մը, հաջողած էին իրենց մեջ հասարակական ու մշակութային բարեկարգութեան գաղափարը տարածել: Հետևաբար հայերն արդեն վաղուց նախապատրաստված էին հետագային պետականորեն մշակված և «Թանգիմաթը հայրիկ» կոչված բարեկարգութեան մը ծրագրի իրականացման գործին:

Իրոք ա, և՛ թանգիմաթի շրջանին (1839—1870 թթ.), և՛ հետագա շրջաններուն հայերը մեծ ավանդ ներդրեցին երկրի քաղաքակրթական գործին: Պետք է անպայման նշել, թե հայերն էին, որ նախ ստեղծեցին իրենց ազգային սահմանադրութիւնը և ապա նպաստեցին 1876 թվականի Օսմանյան պետութեան առաջին սահմանադրութեան ծնունդին:

1863 թ. հայոց ազգային սահմանադրութիւնը, որ կը կոչվեր «Նիզամնամէի Միլլեթի էրմենիան», կազմված էր դեմոկրատական հաս-